

九陽縣志卷八

知縣侯官何鄂聯纂補

政典志

戶口

漢

戶四萬九千一百零一口二十六萬一千四百一十八

見前漢書

明

洪武二十四年冊定戶五千二百七十口一萬五千四百三十四

正德七年以後戶三千九百八十七口五萬二千七百二十

三

明末原額三則人丁共一萬四千七百一十丁

國朝

順治二年開報現在三則人丁共三千九百三十四丁接年編審至七年共七千一十九丁至十五年共一萬一千五百零三丁除優免一千四百零九丁實在一萬九千四百四丁康熙三十年實在一萬五千六百一十六丁五十二年五月十六日准戶部咨爲欽奉

恩詔事內開康熙五十二年三月十八日

恩詔內開海宇承平日久戶口日繁地畝並未加廣宜施寬大之恩共享恬熙之樂嗣後直隸各地方官遇編審之期察出增益人丁止將實數另造清冊奏聞其徵收錢糧但據康

順五十年丁冊定爲常額續生人丁永不加賦欽遵在案
雍正四年九月初一日巡撫田文鏡題爲詳請題明豫省丁
糧按地輸納以均賦役事奉

旨以各邑丁糧均派於各邑地糧之內無論紳矜富戶不分等則
一例輸將以昭畫一以垂永久統於雍正五年爲始攤入
地糧內徵收欽遵在案

乾隆元年奉文編審新舊人丁一萬七千四百九十八丁上
丁一千六百一十二丁每丁派銀二錢中丁四千一百四
十六丁每丁派銀二錢下丁一萬一千二百五十四丁每
丁派銀一錢按每地糧三兩該攤派丁銀七分七釐八毫
九絲二忽七微五纖七沙三塵嗣後遇有按年陞科當年

陞科將攤徵丁銀則例隨年另行均派其派丁銀二千四百三十八兩二錢四年欽奉

上諭事案內寄莊寄糧收祥移好地沙地攤派丁銀二兩四錢一分二釐八毫實在丁銀二千四百四十兩六錢一分二釐八毫二十一年新增八百七十一丁二十六年新增九百二十丁三十一年新增九百九十四丁三十六年烟戶二萬四千三百四十二戶男婦十二萬二千二百三十六名口四十一年烟戶三萬一千二百五十五戶男婦一十六萬五千二百五十四名口五十一年烟戶三萬一千八百一十戶男婦一十六萬八千八百五十六名口

嘉慶元年烟戶三萬二千三十七戶男婦一十七萬一百九

十五名口十二年烟戶三萬三十五百零五戶男婦一十八萬九千七十一名口

田賦

明

洪武二十四年起科夏地七百八十二頃四十七畝三分一釐九毫秋地一千一百二頃一十三畝九分四釐六毫額定稅麥四千二百六十石九斗四升四合四勺二抄三撮五圭糧米一萬一千八百六十九石一斗九升五合五勺八抄五圭

正德七年夏地七百八十二頃五十一畝一分九毫秋地一千一百九頃一十畝六分四釐六毫稅麥正耗四千二百

四十八石五斗七升九合四抄三撮四圭糧米一萬一千八百四十九石五斗八升九合二勺五撮四圭

嘉靖十一年知縣馮霄奉文丈量夏地三千五十頃八十五畝五分一釐五忽秋地八千五百九頃一分一釐八毫九絲五忽每畝攤糧一升三合九勺

劉春岡曰由前所報頃數不及二千由後所量加數不啻三倍然而欺隱之弊則均有之何也地無實數糧有定額前以起科不起科混報而隱糧之弊小後以不應除槩除不量而隱地之弊大况高下不分輕重無別公不勝私而利反滋害矣善均田者盍察諸

萬歷五年知縣陳登雲按地肥磽分上中下三則先是肥磽

一概均徵民既苦累糧亦負欠自陳公差等之後糧始得
均上地七千二百二十一頃六十八畝五分二釐一毫三
絲五忽中地二千五百二十三頃七畝四分八釐四毫下
地一千二百五十五頃六十四畝五分二釐一毫共地一
萬一千頃四十畝五分二釐六毫三絲五忽

崇正十四年流寇陷城冊燬

國朝

順治二年奉文除荒徵熟開報熟地接年續報至七年共熟
地四千五百八十四頃十七畝一釐二毫又八年接年續
報至十五年共上地四千八百一十二頃六十九畝五分
一釐二毫中地十四頃二十八畝二分下地二頃一畝共

地四千八百二十八頃九十八畝七分一釐二毫

梁廷枏曰開報者總名熟地未分上中下恐他日盡報開熟之後又蹈一槩均徵之弊所望每年報熟時卽分上中下三則庶瘠土小民受惠無窮矣又邑之曠域惟南最遠且僻車馬稀少卽吏茲土者亦所不過而地多沮洳渴鹵皆黃茆白葦上憲每稱鄢邑富庶而不知荒廢受累者止就所見之地言耳徭役滋多誰爲小民陳此疾苦哉

乾隆三十二年巡撫阿思哈新頒賦役全書鄢陵縣則例上則每畝派銀三分三釐三毫七絲五忽六微七纖一沙八塵六埃三渺七漠每畝派閏月銀四毫一絲八忽三微三纖五沙九塵八埃四渺中則每畝派銀二分八釐九毫九

忽每畝派閏月銀四毫一絲八忽三微三纖五沙九
塵八埃四渺下則每畝派銀二分四釐九毫九絲九忽每
畝派閏月銀四毫一絲八忽三微三纖五沙九塵八埃四
渺上地六千三百一十三頃四十六畝四分六釐四毫一
絲七忽中地一千九百四十六頃一十五畝三分五釐六
毫八絲三忽下地一千二百頃三十一畝三分六釐四毫
二絲一忽額外荒地三頃三十五畝一分二釐三毫又康
熙八年新收更名地五十頃五十五畝六分二釐三毫四
絲乾隆四年新收祥符正管好地一十頃二十五畝七分
三釐八毫又收正管沙地八十一畝七分五釐以上通共
九千五百二十四頃九十一畝四分一釐九毫六絲一忽

原額連閭通共徵銀三萬三千七百七十七兩四錢三分
七釐四毫八絲八忽八微八纖七沙一塵八埃七渺五漠
內除漕米價銀二千二百一兩五錢八分一釐實徵地丁
銀三萬一千一百七十七兩五錢五釐連閭加徵銀三百
九十八兩六錢四分九釐每兩隨徵耗羨銀一錢三分共
耗羨銀四千一百四兩八錢六分一釐額徵漕米三千三
百八十七石四升八合三勺內改徵麥六百七十四石五
勺白麥一百七十一石黑豆二千三十八石四斗

徭役

豫省黃河南北兩岸歲修搶修各料物向係民間自行辦運
止給例價原無幫價銀兩後因鄉民運交維艱乾隆三十

年巡撫阿思哈奏准動欸官爲代辦其幫價銀兩事竣核實在於沿河二十三州縣地糧內攤徵還欸自四十三年以後積欠未完幫價六十八萬餘兩五十一年巡撫畢沅奏准以是年爲始每年司庫墊發過幫價銀兩次年於通省州縣按糧攤徵至五十七年因攤徵幫價積欠愈多奏明停止其銀在於河撫兩院及司道府廳州縣養廉內攤捐鄆陵每年捐銀一千四十兩如遇培築漫工物料失工例外加價仍准在於通省地糧內攤徵

乾隆五十二年培築睢州十三堡漫工加價銀一百二十九萬二千二百八十四兩八錢四釐開封府屬分四年攤徵每地丁銀一兩攤徵銀三錢九分二釐七毫二絲三忽四

通光縣志卷八
徵五纖七沙九塵九埃八渺二漠

嘉慶三年堵築睢州五堡漫工加價銀二百一萬九百一十七兩二錢七分五釐通省分五年攤徵每地丁一兩攤銀一錢二分二釐七毫七絲四忽九微二纖三塵四埃二渺七漠

嘉慶八年堵築封邱十四堡漫工加價銀七百四十三萬七千五百七十二兩三錢八分六釐通省分十年攤徵每地丁一兩攤徵銀二錢二分二釐三毫四絲三忽四微六纖七沙一塵

黃河堤工料物鄆邑向不派辦自因楊橋漫工需料緊急被例協辦一次嗣遂相沿爲累乾隆二十八年二月管河道

憲何河北道憲吳會同議定章程詳奉總河大憲張批准
通行內開南岸辦料照以離工百里以內田在五十畝以
上者按田派辦其有田不足五十畝乃零星小戶及田在
百里以外者離工較遠並離隄二里以內者該處有站堤
夫役差徭均不得概行派辦等語又乾隆二十八年八月
蒙管河道憲何檄飭內開民間辦運工料不苦於採辦而
苦於運交若再遠涉挽運其病爲尤甚派料之胥役借遠
派隔屬爲刁難而收料人役又因從遠運來留難羈阻乘
機苛擾種種弊竇情有難堪嗣後派辦工料各在距工相
近之州縣卹莊按糧派辦不得仍行匪及遠處等語鄆陵
係南岸遠邑離黃河各工自一百七八十里至三百餘里

不一已奉憲查明免派乃乾隆二十九年六月因蘭陽汎
借用南河廳存工料物分發辦補飭派邕辦稽五十九
萬勛草十萬勛麻一萬勛到邕復蒙前令陳子檜據呈詳
免至再而後得請又恐百里以外概免辦料章程或有歲
搶之岐復具詳請示前後凡三詳既得憲批而後百里以
外州縣歲搶料物概免派辦之章程始益彰明較著可以
永永遵守矣諸紳士以所關一邑利病甚鉅請將全案備
勒諸石復附錄於此庶使後之人得所考據焉

附免料批稟乾隆二十九年二月初二日開封府鄆陵縣
知縣陳子檜爲籲陳輿情懇請轉申以恤民累以專工役
事據紳士張汝翼呈緣黃河預備料物定例沿河州縣採
辦運交並無腳價邕在祥符尉氏以南係開封所屬邊
幅遠境縣城離河二百餘里其城南鄉邨更有距河三百
餘里者是以向年並無採辦之例數年以來屢次派辦用

襲爲常運送艱難腳價倍於料價路途遙遠妨農墮業疾苦萬狀前於二十八年九月內奉府憲行檄載明黃河預備料物查鄆邑離河遙遠照例免派闔邑得除苦累無不叩感且二十八年南河道憲議定辦料章程南岸離工百里以內者按田派料辦運田在百里以外離工較遠者不得概行派辦檄飭遵奉在案及去歲十二月內又有派發鄆陵採辦北河料檄經本縣紳士在省具呈懇免蒙前府憲批飭准免辦另派檄飭到縣仍將派發前文申送塗銷有案可稽可見鄆邑辦運之苦久在各憲洞鑒之中茲下南河蘭陽汎借用存工料物於六月十五日奉派鄆邑辦料五十九萬觔草十萬觔麻一萬觔派飭領價俟新料登場照數運交伏思鄆邑距工遙遠非沿河屢經哀稟疊被憲恩循例免除且本境雙泊流二河水勢浩湧每歲築防大費夫役物料現又捐輸修理城垣工程浩大若復辦料萬難兼營額懇據情轉詳爲民請命仍照前檄就近購買庶苦累得除料物速辦士民得專力本境工役無妨農事則沐慈惠於前日者更祝仁德於靡涯矣爲此公呈等情據此該卑職查得乾隆二十八年二月蒙本道憲會同河北道憲議定辦料章程內開南岸辦料照以離工百里之內按田派辦其田在百里以外者離工較遠均不得概行派辦等因又於二十八年八月蒙本道憲飭行民間辦運工料不苦於採辦而苦於運交若再遠涉輒違其病

尤詿派辦胥役藉遠派刁難而收料人役又乘遠運苛擾
種種弊竇情實難堪嗣後工料各在距工相近州縣派辦
不得仍行派及遠處各等因通行遵照在案今查卑縣距
南河各工自一百八十里以至二百二十里不等悉在
百里以外實屬離工遙遠茲因奉文飭辦楷草麻各料物
據紳士等援例呈請詳免到案卑職復查卑縣距工既在
百里以外委與新定章程相符理合據呈詳請伏乞憲臺
俯賜鑒察將飭辦各料垂恩豁免實為德便如蒙恩允俟
奉批到日再將料價銀兩另文批解歸欵合並聲明為此
備由具申本月初七日蒙署府憲宋批查百里以外免派
辦料係指尋常歲修而言今此項料物因河渠工需甚急
派辦不汲借用黑堽搶修之料現在伏秋大汛立等補還
原額以資搶護應用並非尋常歲修可比況已報明各憲
在案原定章程甚明仰即理諭該紳士等查明章程速即
辦運以應急需毋遲此後如係歲修永遠免派繳批飭到
縣旋於本月十四日本縣復詳為仰恩籲贖再懇轉申永
除民累事據卑縣紳士呈稱緣下南河汛借用存工各料
蒙派鄆邑楷草麻各料檄飭領辦生等前以籲陳輿情等
情懇請詳免荷蒙父臺轉申現奉本府批示搶修料物與
尋常歲修不同如係歲修永遠免派業蒙父臺傳諭生等
將此次料物遵奉辦理生等何敢抗違但伏查今次派料
來卑內開係屬易見

之項又開卽將賞交稽草麻價銀兩分發近工州縣公平採辦俟新料登場照數辦運各等由竊計此料麥忙借用修護已過俟新料登場補還原額雖非歲修仍係從容辦運預儲修防懇請免辦似與原定章程相符況搶修工程近工州縣緩急足恃遠涉挽運恐致延悞茲蘭陽汎就近借用黑堽料物蘭陽縣並未採辦還補卽本府南岸屬邑北鄆近處尙多未派鄆邑遠境懇請免辦亦似與原定章程相符且今年搶修之料卽去年預備之料今年預備之料卽來年搶修之料去歲上南下南二廳共辦料物八百萬觔下北一廳添辦料物八百萬觔上南下南二廳添辦料物一千萬觔俱蒙憲恩軫念民艱子惠元元垂憐鄆邑距工遙遠照依章程免派有案可稽茲蘭陽汎借用料數稽草麻三項僅三百餘萬觔近工州縣儘足辦理懇請免辦亦似與原定章程相符生等疊被憲仁屢沐慈惠於此已派之料似無庸啾啾瑣瑣但熟查議定章程細維此次牌文若現在料物仍舊派辦則雖遵恩於前而實貽累於後一遇用料難免挽運之苦飭籌辦料之善法章程首列之明條不且徒爲具文乎况鄆邑城工河堤力役甚多實難兼營萬不得已故敢喋喋哀鳴再乞仁慈俯賜矜恤恩准復申永除苦累以甦民困閭邑叩結上呈等情據此該卑職查得新定章程百里以外免派料物雖指歲修但搶修料物亦必由近而及遠今此料係別汎借用代辦抵還